

福建叢書第三輯之二

福建省文史研究館編

謝肇淛集

廣
陵
書
社



本冊執行主編

陳慶元

《福建叢書》
第三輯之二

謝肇淛集三

明·謝肇淛 著

江蘇古籍出版社

小草齋集卷之十四

陳留謝肇淛著

友人曹學佺校

五言律詩三

汪仲嘉過訪匆匆別去率爾賦贈

長干分手後書札兩茫然不覺逢君日風塵又
一年家鄰寒葉寺路出板橋烟別去如相憶天
都鴈影邊

逢鄭翰卿

去年天竺寺俠氣尚依依今日新安道飄零萬
事違交遊貧後盡面言病來非見女饑寒日狂
夫不肯歸

出楊干寺早行

曙色正蒼茫清溪抱岸長酒醒人怯霧木落鳥
啼霜水浸寒苔綠山空宿草黃牧童不識客短
笛度橫塘

醉石

危石拱天都臨流卧綠蕪醒須微雨鮮歌藉古

藤扶苔擁時深淺雲生乍有無夜來人散盡蘿
月一峰孤

宿軒轅宮

蹙借雲房宿仙蹤迹已陳溪聲寒到寺峰影近
窺人竈冷丹砂火苔封玉檢塵鼎湖龍去後何
地可尋真

丞相原寄吳元翰

平生多勝具何事復淹留萬壑啼猿夜知君正
卧游藥從山客買糧學病僧休待我丹成日相

邀坐十洲

宿丞相原

鳥道石峻嶒孤峰一老僧竹樓千嶂月松榻半
龕燈山鬼寒依草溪猿晚附藤霜風眠不穩只
恐夜雲崩

由丞相原至石樓一首

曲磴雲端出晴嵐樹杪來蓮峰看漸近蘿徑剪
初開崖斷牽藤度沙崩抱石迴頽然發長嘯萬
壑暮生哀

看山不覺險已出白雲層猿踞松門卧人緣石
屋登半空無處鳥太古有埋冰翹首天闔近何
時拔宅昇

原上答景升

丘壑空隣我烟霞喜得君石樓曾望海竹榻共
眠雲度嶺窮幽徑摩崖識古文新詩與靈藥滿
袖碧氤氲

黃山歸宿湯口程叟家

知君喜客至直我看山歸衣上留青靄燈前話

翠微水聲排戶入霜氣近牀飛
相戀仍愁別風塵此會稀

海陽道中

行役朝仍暮山川斷復連
人家楓樹裏官路麥苗邊
寒色孤城雨秋聲半嶺泉
天門今夜夢應得會羣仙

新安雜詩十首

試問新安道淒涼意若何
大都常業少只是素封多
商舶年年出倡樓夜夜歌
人情吁可怪客

子慎風波

家富寧須織田稀
不耕灌園多里婦
操筏半山丁春水
平於岸寒垣峻似
城黃昏關竹戶一
片見雞聲

白馬紫貂裘朱門
盡五侯貧因長聚
訟富爲避
交游世態矜錢布
人情厭蒯緱黃山
一片石差
足語千秋

村落多佳麗經年
不事蠶窺人映樓
曲結伴過
溪南樹得高稚髻
波搖小玉簪自誇
夫壻好強

半是裴談

比屋不知農山村事事慵居民多習賈市女半
爲傭日落催寒杵溪流急夜春相逢無好事端
不似臨邛

纖晉異他鄉能無足稻梁家家村酒白處處薄
糜香竹柱商人宅芒屨少婦粧魚鹽多別業經
歲在維揚

水市居民少山城長吏尊春寒稀出郭日午未
開門謁者真如鬼功曹巧似猿禰生懷片刺磨

疲同誰言

斗杓亭畔宅傳是紫陽居科斗殘碑在丹青古
廟餘松風千壑合羅月半窓虛闕里儀刑在遺
風媿不如

巖鎮繁華地深藏數萬家雪晴初見塔雨漲忽
沉沙近市多駟驢臨溪半狹邪漁人喧夜渡招
客趁相槎

水落來蘇渡江寒太白橋藤溪隨地圻疊嶺與
天遙雨過收新茗霜深刈黑蕎渚蒲共山蕨處

處可漁樵

將發新安同志諸子來送率爾留別

別酒不成醉開河木葉飛高齋今日雨遊子逼
年歸驛馬嘶難任山城望漸微後期渺無定能
不兩依依

吳翁言見過

世路已如此誰憐老逐臣相逢殘歲日俱是異
鄉人白髮新詩富青山舊業貧交情吾自見鷹
隼莫相嗔

送江進之改官歸楚

伏枕驚歲暮送君泪滿衣一官俱失意千里獨
思歸驛騎先花發江帆背鴈飛洞庭波浪惡轉
覺宦情違

送溫觀甫茂才還吳興

春江不可涉勞爾遠相尋十載爲儒日孤帆欲
別心樹連吳苑暗雲近弁山深却笑窮愁吏飄
蓬直到今

方仲美招飲水亭得西字

負郭上幽棲。朱闌曲倚隄。斷橋流水北殘日數
峰西。梅蕊當窓至。潮痕接岸齊。寧須絲與竹簾
外。早鶯啼。

送侯師之北征

河梁一相送去住。各徘徊。才子夷門客。春風郭
隗臺。柳迎征蓋。暗梅撲別觴。開二月。長安陌看
花醉幾回。

塞下曲

生長防邊卒。孤城枕鼓鼙。天高驕子獵。日落敗

軍迷移幕烏先動銜枚馬不斷年年桃李月無
鴈到遼西

送僧歸日本

笑指扶桑路連天若箇峰片蘆隨怒浪一鉢縮
饑龍舊衲迎潮洗新夷出島逢那馬臺下寺東
向幾枝松

懷李季宣

別爾登車後頽然廢嘯歌況兼雲物異其奈客
心何青草春來少黃塵馬去多却思江上路把

手看層波

宿汾水

行役春將暮，風吹楊柳枝。
沙多人面困，驛遠馬蹄疲。
晚角山城戍，孤烟草店炊。
遙遙江畔婦，正是捲簾時。

送鄧汝高視學滇南二首

使節霜臺貴，其如絕域何。
盤江春鴈少，詔嶺瘴雲多。
津吏皆蠻種，門生習緬歌。
須令金齒俗，文物似西河。

銅柱人南去昆明水北流客程萬里外古驛亂
山頭蟒上藏經閣猿啼校士樓遙知懷古處木
落碧雞秋

得兒女道亡耗二首

春半登車日庭前執手時豈知三月別便是九
原期弱骨臨流盡遊魂逐棹移可憐諸女伴八
口命如絲

衙齋初遣使遲汝到彭城口訝無消息那知隔
死生離顏空入夢乍語錯呼名孤客零丁日啼